



## Խ Մ Բ Ա Գ Ր Ա Կ Ա Ն

### ՎԵՐԱԾՆՎԱԾ ՄԱՅՐ ՀԱՅՐԵՆԻՔԻ ՓԱՌԱՊԱՆՈՇ ՏՈՒՆԸ



նյեմբերի 29-ին լրացավ Հայաստանում խորհրդային կարգերի հաստատման բառասնամյակը: Հայ ժողովուրդը ամենուրեք համագային մեծ խանդավառությամբ, հանդիսավորությամբ և նորանոր նվաճումներով է դիմավորում իր Հայրենիքի ազատության և անկախության փառապանծ տոներ, Հայաստանում խորհրդային կարգերի հաստատման բառասնամյակը:

Վերածնված հայ ժողովուրդը, համագային այս մեծ տոնին, ուրախ է և հպարտ երանությամբ այն ժողովրդի, որ երկար դարերի ստրկությունից հետո, համառ պայքարով և հերոսությամբ, նվաճել է իր ազատությունը և արդարորեն ուրախանում ու հպարտանում է իր Հայրենիքով, իր նվաճումներով և իր պայծառ ապագայով:

1920 թվականի նոյեմբերի 29-ը հայ ժողովրդի պատմության մեջ և հայ կյանքում տեղի ունեցած նշանավոր պատմական իրադարձություն է, հայ ժողովրդի պատմության շրջադարձային հանգրվանը, երբ մահվան վիճի եզրին հասած, անօգնական ու հյուծված, դարերով տրոհված հայ ժողովուրդը, վիրավոր սրտով և արյունաքամ, բայց ապրելու և հաղթանակելու արի և հերոսական վճռականությամբ, ռուսի կանգնեց ռուս մեծ և ազնիվ ժողովրդի եղբայրական օգնությամբ, միանգամ ընդմիջտ թոթափելու դարերի ստրկության փոշին, փշրելու դարավոր ազատագրության շղթան և արևի տակ իրեն համար նվաճելու ազատ ու խաղաղ ապրելու իրավունք:

Նոյեմբերի 29-ը հաղթանակի օր է հայ ժողովրդի համար, նրա մղած կյանքի ու մահվան մեծ պայքարում:

Նոյեմբերի 29-ը հայ ժողովրդի ազատագրական պայքարի փառավոր ու հերոսական

մի էջ է, ոսկի տառերով գրված հայ ժողովրդի պատմության մեջ և հայ ժողովրդի սրտում:

Նոյեմբերի 29-ը հայ ժողովրդի հասարակական-քաղաքական մտքի հասունության, քաղաքական գոյության ու հեռանկարային, ազգային ինքնագիտակցության մեծ զարթոնքի օրն է, երբ նա սկիզբ դրեց իր պատմության մեջ նման շտեմնված ազգային, պետական, տնտեսական և մշակութային մի փառավոր դարաշրջանի:

Հենել էր հայ ժողովրդի ազատության ու փրկության ժամը: Նոյեմբերի 29-ը ռուսի կանգնեցրեց հայ ժողովրդին, որ ու արև, կյանք ու հանապարհ տվեց նրան, երբ ու երազ նրա հոգուն, նրա պատմության և կյանքի համար ստեղծված մոռյալ ու ծանր օրերին: Մոխիրների ու ցավի տակից, հարյուր ռուսի հայ որբ ժողովրդի ու վերածնվեց: Արյունաքամ հայ հոգու և հայ հողի վրա ծագեց մի նոր, պայծառ առավոտ: Նոյեմբերի ազատարար շնչի տակ միայն հայ ժողովուրդը տեսավ իր դարավոր երազների, բաղձանքների իրականացումը, իր Հայրենիքի ազատությունն ու փրկությունը, որի համար հերոսական սերունդներ պայքարեցին ու մեռան անհավասար մարտերում, զենի ձեռքին, Հայրենիքի սերն ու ազատության գաղափարը իրենց հոգում:

Նոյեմբերի 29-ը է՛լ ավելի համախմբեց հայ ժողովրդին իր Հայրենիքի և նրա ազատության գաղափարի շուրջը: Նա միաժամանակ կոչեց ու կոչեց հայ ժողովրդի ազգային միասնությունը:

40 տարին պատմական մի մեծ ժամանակաշրջան չէ, բայց պատմական են մեր Հայրենիքի և մեր ժողովրդի նվաճումները:

Անցնող 40 տարիների ընթացքում բառացիորեն հրաշքի հավասար վիթխարի փոփո-



